

4. T e r M u d e n : van eenen Scepe. (1408)

Jan Weytemoet die zende I scip in Oostlant bi der Zouter Zee met eenen man, die meester was van den scepe, ende hi hadde dat stier an tscip. Ende het gheviel dat die man, die tscip hadde, in Oostlant zijn goed ende zijn ghelt verdobbelde; ende hi vercochte dat scip eenen Oosterlinc, ende hi gaffer gifte of voor scepenen van dhave. Ende daerof nam hi eenen scaeter, die dat scip cochte, ende hi makede eenen man meester van den scepe ende hi hiet Jan Pateel; ende dat scip dede hi vervrechten ter Sluus.

Doe Jan Weytemoet zijn scip sach in tSwin, doe dede hijt arresteren, ende men gaf hemlieden wettelijcken dincghedach. Doe toghede Jan Weytemoet, dat dit scip zine was, doet laetst uten Zwene zeilde en dat hijt hadde ghe- doen maken van zijns zelves houte, ende van zijns zelves ysere ende met zijn zelves goede. Ende daerof bood hi scepenen te informeren met goeder informatie.

Ende Jan Pateel die toghede, dat dit scip sijn meester ghecocht hadde ende betaelt met zijnszelves ghelde, ende dat hi meester daer vanden scepe ghemaect was, ende dat hi met mate ende met mele up tscip was. Ende daerof bood hi scepenen te informere.

Ende omme die reden dat hi malatich ende melatich was up tscip, ende hi scepenen hadden geboden te informeren met lieden van buudslants, ende dat buudslants gheviel ende over zee ende over zand, dat die informatie waerdich sculdich was te wesene van informatie van bindslands: hierof I beroup.

tVonesse: Scepenen dinct recht wesen, dat diegone dietscip dede maken, zijn scip behouden.

Medegedeeld door Roger Crois, die het aantrof in "Rechtbronnen der Stad Aardenburg", Vorsterdam Van Oyen, 's Gravenhage 1892, met als bron het "Bouc metten Cnoop".